

史記

卷五十九之七十四

涵芬樓
影印

史記

卷之六

史記
卷之六

史記卷五十九

漢

太

史

車馬遷撰

宋

中

郎

外

兵

曹

參

軍

裴

駟集解

唐

國

子

博

士

弘

文

館

學

士司馬貞索隱

唐

諸

王

侍

讀

率

府

長

史

張守節正義

五宗世家第二十九

景帝子十四人一武帝餘十三人為王漢書謂之景十三王此名五宗者十三人為王其母五人司母者為宗也

孝景皇帝子凡十三人為王而母五人同母者為宗親栗姬子曰榮德閔子

閔音

過漢書無于字

程姬子曰餘非端賈夫人子曰彭祖勝唐姬子曰發王夫人兒姁子曰越

寄乘姁

姁音泥羽反兒姁夫人名王皇后之妹也

河間獻王德以孝景帝前二年用皇子為河間王

漢書云大行令奏好儒學

被服造次必於儒者山東諸儒多從之游二十六年卒

案漢名臣奏杜業奏曰河間獻王經術通明

積德累行天下雄俊眾儒皆歸之孝武帝時獻王朝被服造次必於仁義問以五

策獻王輒對無窮孝武帝然難之謂獻王曰湯以七十里文王百里王其勉之

子共

王不害立四年卒子剛王基代立十二年卒子頃王授代立

漢書云授諡頃音傾

臨江哀王閔于以孝景帝前二年用皇子為臨江王三年卒無後國除為郡

臨江閔王榮以孝景前四年為皇太子四歲廢用故太子為臨江王四年坐侵廟

壙垣為宮

案國服虔云宮外之餘地顧野王云牆外行馬內田音人椽反又音軟又音奴亂反壙垣牆外之短垣也

上徵榮榮行祖於

江陵北門

案隱祖者行神行而祭之故曰祖也風俗通云共工氏之子曰修好遠遊故祀為祖神又崔浩云黃帝之子嫫祖好遠遊而死於道因為行

神亦不知其何據蓋見其謂之祖因為嫫祖非也據帝系及本紀皆言嫫祖黃帝妃無為行神之由也又聘禮云出祖釋軼祭脯酒而已按今祭禮以敦壤土為壇於道則用黃瓶或用狗以其瓶血霧左輪案荆州圖副云漢臨江閔王榮始都江陵城坐侵廟壙地為宮被徵出城北門而車軸折父老共流涕曰吾王不反矣既而為郢都所訛懼而縊死自此後北門存而不啓蓋為榮不以道終也

既已上車軸折車廢江陵父老流涕竊言

曰吾王不反矣榮至詣中尉府簿中尉郢都責訊王王恐自殺葬藍田燕數萬銜

土置冢上百姓憐之榮最長死

案顏師古云榮實最長而傳居二王後者以其從太子廢後乃為王也無後國除地

入于漢為南郡

右三國本王皆栗姬之子也

魯共王餘以孝景前二年用皇子為淮陽王二年吳楚反破後以孝景前三年徙

為魯王好治宮室苑囿狗馬季年好音不喜辭辯為人吃二十六年卒子光代為

王初好音與馬晚節嗇

案晚節猶言末年時嗇食也

惟恐不足於財江都易王非以孝景前

二年用皇子為汝南王

案諡法好更故舊曰易

吳楚反時非年十五有材力上書願擊吳景

帝賜非將軍印擊吳吳已破二歲徙為江都王治吳故國以軍功賜天子旌旗元

光五年匈奴大入漢為賊非上書願擊匈奴上不許非好氣力治宮觀招四方豪

傑驕奢甚立二十六年卒子建立爲王七年自殺淮南衡山謀反時建頗聞其謀

自以爲國近淮南恐一日發爲所并卽陰作兵器而時佩其父所賜將軍印載天

子旗以出易王死未葬建有所說易王寵美人淖姬蘇林曰淖音泥淖夜使人迎

與奸服舍中淖音女教反淖姓也齊有淖齒是也漢書云建召易王所愛淖姬等十人與姦服舍中也及淮南事發治黨與

頗及江都王建建恐因使人多持金錢事絕其獄而又信巫祝使人禱祠妄言建

又盡與其姊弟姦漢書云建女弟徵臣爲蓋侯子婦以易王喪來歸建復與姦也事旣聞漢公卿請捕治建天

子不忍使大臣卽訊王王服所犯遂自殺國除地入于漢爲廣陵郡

膠西于王端以孝景前三年吳楚七國反破後端用皇子爲膠西王按逸周書諡法云能

優其德曰于端爲人賊戾又陰痿不能御婦人一近婦人病之數月而有愛幸少年爲

郎爲郎者頃之與後宮亂端禽滅之及殺其子母數犯上法漢公卿數請誅端天

子爲兄弟之故不忍而端所爲滋甚有司再請創其國去太半端心慍遂爲無皆

省蘇林曰爲無所營錄無所省錄府庫壞漏盡腐財物以巨萬計終

不得收徙令吏毋得收租賦端皆去衛謂不封其宮門從一門出游數變名

姓爲布衣之他郡國相二千石往者奉漢法以治端輒求其罪告之無罪者詐藥

殺之所以設詐究變究窮也故郭璞云究謂窮盡彊足以距諫智足以飾非相二千石從王

治則漢繩以法故膠西小國而所殺傷二千石甚衆立四十七年卒竟無男代後

國餘地入于漢爲膠西郡

右三國本王皆程姬之子也

趙王彭祖以孝景前二年用皇子爲廣川王趙王遂反破後彭祖王廣川四年徙

爲趙王十五年孝景帝崩彭祖爲人巧佞卑諂足恭而心刻深深無仁恩好法律

持詭辯以中人索隱謂詭詐之辨以傷中人彭祖多內寵姬及子孫相二千石欲奉漢法以治

則害於王家是以每相二千石至彭祖衣皁布衣自行迎除二千石舍索隱謂彭祖自爲二千石

千石掃除其舍以迎之也多設疑事以作動之得二千石失言中忌諱輒書之二千石欲治者

則以此迫劫不聽乃上書告及汙以姦利事彭祖立五十餘年相二千石無能滿

二歲輒以罪去大者死小者刑以故二千石莫敢治而趙王擅權使使卽縣爲賈

人權會索隱韋昭曰平會兩家買賣之賈也權者禁他家獨王家得爲之權

利若今之知市矣韋昭則訓權爲平其注解亦得入多於國經租稅索隱經常也謂王家入多於國家常納之租稅以是趙王家

多金錢然所賜姬諸子亦盡之矣彭祖取故江都易王寵姬王建所盜與姦淖姬

者爲姬甚愛之彭祖不好治宮室襪祥索隱服虔曰求福也按婢蒼云襪祇

越信襪祥者也好爲吏事上書願督國中盜賊常夜從走卒行微索隱上下孟反下工弔

而伺察境界邯鄲中諸使過客以彭祖險陂莫敢留邯鄲其太子丹與其女及同產姊

姦與其客江充有郤充告丹丹以故廢趙更立太子

中山靖王勝以孝景前三年用皇子為中山王十四年孝景帝崩勝為人樂酒

樂五好內有子枝屬百二十餘人常與兄趙王相非曰兄為王專代吏治事王者

當日聽音樂聲色趙王亦非之曰中山王徒日淫不佐天子拊循百姓何以稱為

藩臣立四十二年卒漢書建元三年濟川中山王等來朝聞樂而立天子問其故對以大臣內讒肺腑日疎其言甚雄壯詞切而理文天

子加親親之好可謂漢之英藩矣子哀王昌立一年卒子昆侈代為中山王漢書昆侈諡康王子頃王輔嗣至孫

也

右二國本王皆賈夫人之子也

長沙定王發發之母唐姬故程姬侍者景帝召程姬程姬有所辟不願進氏按釋

名云天子諸侯羣妾以次進御有月事者止不御更不口說故以丹注面目的為識令女史見之王察神女賦以為脫桂裳免替簪施玄的結羽釵的即釋名所

云也說文云姓女汚也漢律云見婢變不得侍祠姓音半而飾侍者唐兒使夜進上醉不知以為程姬而幸之

遂有身已乃覺非程姬也及生子因命曰發以孝景前二年用皇子為長沙王以

其母微無寵故王卑濕貧國集應劭曰景帝後二年諸王來朝有詔更前稱壽歌舞定王但張袖小舉手左右笑其拙上惟問之對

日臣國小地狹不足迴旋帝以武陵零陵桂陽屬焉立二十七年卒子康王庸立二十八年卒子緡集

服虔曰為長沙王緡音拘

右一國本王唐姬之子也

廣川惠王越以孝景中二年用皇子為廣川王十二年卒子齊立為王集漢書齊諡穆王

乾隆四年校刊

諡法傷人蔽賢曰謬齊有幸臣桑距已而有罪欲誅距距亡王因禽其宗族距怨王乃上書

告王齊與同產姦自是之後王齊數上書告言漢公卿及幸臣所忠等漢書

彭祖子去嗣坐暴虐勃亂國除也王義所忠姓名

膠東康王寄以孝景中二年用皇子為膠東王二十八年卒淮南王謀反時寄微

聞其事私作樓車鏃矢戰守備候淮南之起應劭曰樓車所以窺看敵國營

窺宋人謂看敵國營壘之虛實也李巡注爾雅金矢以金為箭鏃鏃字林音子木反及吏治淮南之事辭出之如淳曰窮治其辭出

此寄於上最親皇后之妹於上為從母故寄於諸兄弟最為親愛也意傷之發病

而死不敢置後於是上問寄有長子者名賢母無寵少子名慶母愛幸寄常欲立

之為不次因有過遂無言上憐之乃以賢為膠東王奉康王嗣而封慶於故衡山

地為六安王膠東王賢立十四年卒諡為哀王子慶為王徐廣曰他本亦作慶字惟一本作建不宜

得與叔父同名相承之誤六安王慶以元狩二年用膠東康王子為六安王

清河哀王乘以孝景中三年用皇子為清河王十二年卒無後國除地入于漢為

清河郡

常山憲王舜以孝景中五年用皇子為常山王舜最親景帝少子驕怠多淫數犯

禁上常寬釋之立三十二年卒太子勃代立為王初憲王舜有所不愛姬生長男

稅蘇林曰音奪稅以母無寵故亦不得幸於王王后脩生

反許慎說文解字云他活反字從木

太子勃王內多所幸姬生子平子商王王后希得幸及憲王病甚諸幸姬常侍病故王后亦以妒媚不常侍病

秦書 媚音亡報反鄒氏作媚郭璞註三蒼云媚丈夫妒也又云妒女爲媚輒歸舍醫進藥

太子勃不自嘗藥又不宿留侍病及王薨王后太子乃至憲王雅不以長子稅爲

人數及薨又不分與財物郎或說太子王后令諸子與長子稅共分財物太子王

后不聽太子代立又不收恤稅稅怨王后太子漢使者視憲王喪稅自言憲王病

時王后太子不侍及薨六日出舍

集解如淳曰服舍也

太子勃私姦飲酒博戲擊筑與女子

載馳環城過市入牢視囚天子遣大行騫

按是張騫

驗王后及問王勃請逮勃所與

姦諸證左王又匿之吏追捕勃大急使人致擊笞掠擅出漢所疑囚者有司請誅

憲王后脩及王勃上以脩素無行使稅陷之罪勃無良師傅不忍誅有司請廢王

后脩徙王勃以家屬處房陵上許之勃王數月遷于房陵國絕月餘天子爲最親

乃詔有司曰常山憲王蚤天后妾不和適孽誣爭陷于不義以滅國朕甚閔焉其

封憲王子平三萬戶爲真定王封子商三萬戶爲泗水王

泗水海州

真定王平元鼎四年用常山憲王子爲真定王泗水思王商以元鼎四年用常山

憲王子爲泗水王十一年卒子哀王安世立十一年卒無子於是上憐泗水王絕

乃立安世弟賀爲泗水王

右四國本王皆王夫人兒姁子也其後漢益封其支子爲六安王泗水王

二國凡兒姁子孫於今爲六王

太史公曰高祖時諸侯皆賦

徐廣曰國所出有皆入於王也

得自除內史以下漢獨爲置丞相

黃金印諸侯自除御史廷尉正博士擬於天子自吳楚反後五宗王世漢爲置二

千石去丞相曰相銀印諸侯獨得食租稅奪之權其後諸侯貧者或乘牛車也

索隱述贊曰景十三子五宗親睦栗姬既廢臨江折軸閔于早薨河間儒服餘好宮苑端事馳逐江都有才中山福福長沙地小膠東造鐵仁賢者代悖亂者

族兒姁四王分封爲六

史記卷五十九考證

五宗世家入多於國經租稅索隱經常也謂王家入多於國家常納之租稅○徐
孚遠曰索隱不明謂王專權會之利故市租之入反多於田租也

平陽曰案遷不即謂王非諸會之師黃市庶之人與楚田也

五宗世系入之其國也此條案新錄前出王案入之其國案當確之庶例○

史記卷五十九考證

史記卷六十

漢

太

史

令司馬遷撰

宋中郎

外

兵

曹

參

軍裝

駟集解

唐國子

博士

弘

文

館

學士

司馬貞索隱

唐諸王

侍

讀

率

府

長

史張守節正義

三王世家第三十

大司馬臣去病

姓霍

昧死再拜上疏皇帝陛下陛下過聽使臣去病待罪行間宜

專邊塞之思慮暴骸中野無以報乃敢惟他議以干用事者誠見陛下憂勞天下

哀憐百姓以自忘虧膳貶樂損郎員皇子賴天能勝衣趨拜至今無號位師傅官

陛下恭讓不恤羣臣私望不敢越職而言臣竊不勝犬馬心昧死願陛下詔有司

因盛夏吉時定皇子位

明堂月令云季夏月可以封諸侯立大官是也

唯陛下幸察臣去病昧死再拜

以聞皇帝陛下三月乙亥御史臣光守尚書令奏未央宮制曰下御史六年三月

戊申朔乙亥御史臣光守尚書令丞非

奏狀有尚書令官位而史闕其名耳丞非者或尚書左右丞非其名也

下

御史書到言丞相臣青翟

青翟也

御史大夫臣湯

張湯

太常臣充

趙充

大行令臣

息太子少傅臣安

任安也

行宗正事昧死上言大司馬去病上疏曰陛下過

聽使臣去病待罪行間宜專邊塞之思慮暴骸中野無以報乃敢惟他議以干用

事者誠見陛下憂勞天下哀憐百姓以自忘虧膳貶樂損郎員皇子賴天能勝衣趨拜至今無號位師傅官陛下恭讓不恤羣臣私望不敢越職而言臣竊不勝犬馬心昧死願陛下詔有司因盛夏吉時定皇子位唯願陛下幸察制曰下御史臣謹與中二千石二千石臣賀等議

孫賀公

古者裂地立國並建諸侯以承天子所

以尊宗廟重社稷也今臣去病上疏不忘其職因以宣恩乃道天子卑讓自貶以勞天下慮皇子未有號位臣青翟臣湯等宜奉義遵職愚僮而不逮事方今盛夏吉時臣青翟臣湯等昧死請立皇子臣閼

徐廣臣旦臣胥爲諸侯王昧死請

所立國名制曰蓋聞周封八百姬姓並列或子男附庸禮支子不祭云並建諸侯

所以重社稷朕無聞焉且天非爲君生民也

是言生人爲立君長司牧之耳非天

爲君而朕之不德海內未洽乃以未教成者彊君連城卽股肱何勸

一作敦一作

勸一作觀也謂皇子等並未習教義也皇子未習教義而彊使爲諸侯王君以連城之人則大臣何有所勸其更議以列侯家之三

月丙子奏未央宮丞相臣青翟御史大夫臣湯昧死言臣謹與列侯臣嬰齊中二千石二千石臣賀諫大夫博士臣安等議曰伏聞周封八百姬姓並列奉承天子

康叔以祖考顯而伯禽以周公立咸爲建國諸侯以相傳爲輔百官奉憲各遵其職而國統備矣竊以爲並建諸侯所以重社稷者四海諸侯各以其職奉貢祭支子不得奉祭宗祖禮也封建使守藩國帝王所以扶德施化陛下奉承天統明開

聖緒尊賢顯功興滅繼絕續蕭文終之後於鄧蕭何諡文終也蕭何初封沛之鄧音贊後其子續封南陽之鄧昭

音嗟 裴厲羣臣平津侯等公孫弘所封平津鄉在滄州鹽山南四十一里也

六親之序明天施之屬使諸侯王封君得推私恩分子弟戶邑錫號尊建百有餘

國李廣武帝廣推恩之詔分王子弟故有百餘國而家皇子爲列侯則尊卑相踰已爲列侯而今又

家皇子爲列侯是列位失序不可以垂統於萬世臣請立臣閔齊王也臣旦

尊卑相踰越矣書云李姬之子臣胥漢書云李姬之子爲諸侯王三月丙子奏未央宮制曰康叔親屬有十

而獨尊者褒有德也周公祭天命郊故魯有白牡騂剛之牲魯祭周公牲用白牡

魯公用騂剛何休曰白牡殷牲也騂剛赤脊周牲也羣公不毛毛不純色也賢不肖差也高山仰止景行

嚮之朕甚慕焉所以抑未成家以列侯可四月戊寅奏未央宮丞相臣青翟御史

大夫臣湯昧死言臣青翟等與列侯吏二千石諫大夫博士臣慶等議昧死奏請

立皇子爲諸侯王制曰康叔親屬有十而獨尊者褒有德也周公祭天命郊故魯

有白牡騂剛之牲羣公不毛賢不肖差也高山仰之景行嚮之朕甚慕焉所以抑

未成家以列侯可臣青翟臣湯博士臣將行等伏聞康叔親屬有十武王繼體周

公輔成王其八人皆以祖考之尊建爲大國康叔之年幼周公在三公之位而伯

禽據國於魯蓋爵命之時未至成人康叔後扞祿父之難伯禽殄淮夷之亂昔五

帝異制周爵五等春秋三等集解鄭玄曰春秋變周之文從殷之質合皆因時而

序尊卑高皇帝撥亂世反諸正

春秋公羊傳文

昭至德定海內封建諸侯爵位二等

索隱

謂王與列侯也

皇子或在緼緼而立為諸侯王奉承天子為萬世法則不可易陛下躬親

仁義體行聖德表裏文武顯慈孝之行廣賢能之路內褒有德外討強暴極臨北

海

正義匈奴傳云霍去病伐匈奴北臨翰海

西湊月氏

正義湊音臻氏音支至月氏月氏西戎國名在葱嶺之西也

匈奴西域舉國

奉師與械之費不賦於民虛御府之藏以賞元戎

集解綱案詩云元戎十乘以先啓行韓嬰章句曰元戎大戎謂

兵車也車有大戎十乘謂車緩輪馬被甲衡扼之上盡有劍戟名曰駟軍之車所以冒突先啓敵家之行伍也毛傳云夏后氏曰鈎車先正也殷曰寅車先疾也周

曰元戎先良也開禁倉以賑貧窮減戎卒之半百蠻之君靡不鄉風承流稱意遠方殊俗

重譯而朝澤及方外故珍獸至嘉穀興天應甚彰今諸侯支子封至諸侯王而家

皇子為列侯

正義謂立膠東王子慶為六安王常山王子平為真定王商為泗水王是也

臣青翟臣湯等竊伏熟計之

皆以為尊卑失序使天下失望不可臣請立臣閔臣旦臣胥為諸侯王四月癸未

奏未央宮留中不下丞相臣青翟太僕臣賀行御史大夫事太常臣充太子太傅

臣安行宗正事昧死言臣青翟等前奏大司馬臣去病上疏言皇子未有號位臣

謹與御史大夫臣湯中二千石二千石諫大夫博士臣慶等昧死請立皇子臣閔

等為諸侯王陛下讓文武躬自切及皇子未教羣臣之議儒者稱其術或諄其心

陛下固辭弗許家皇子為列侯臣青翟等竊與列侯臣壽成等二十七人議

集解徐廣

日蕭何之玄孫鄼侯壽成後為太常也

皆曰以為尊卑失序高皇帝建天下為漢太祖王子孫廣支

輔先帝法則弗改所以宣至尊也臣請令史官擇吉日具禮儀上御史奏輿地圖

索隱謂地爲輿者天地有覆載之德故謂天爲蓋謂地爲輿故地圖稱輿地圖疑自古有此名非始漢也

他皆如前故事制曰可四月

丙申奏未央宮太僕臣賀行御史大夫事昧死言太常臣充言卜入四月二十八

日乙巳可立諸侯王臣昧死奏輿地圖請所立國名禮儀別奏臣昧死請制曰立

皇子閼爲齊王旦爲燕王胥爲廣陵王四月丁酉奏未央宮六年

集解徐廣曰四

月戊寅朔癸卯御史大夫湯下丞相丞相下中二千石二千石下郡太守諸侯相

丞書從事下當用者如律令維六年四月乙巳皇帝使御史大夫湯廟立子閼爲

齊王曰於戲小子閼

索隱此封齊王策文也按武帝策此三

受茲青社

集解張晏

五色土爲太社封四方諸侯各以其方色土與之苴以白茅歸以立社

索隱蔡邕

獨斷云皇子封爲王受天子太社之土若封東方諸侯則割青土藉以白茅授之

以立社謂之茅土齊朕承祖考維稽古建爾國家封于東土世爲漢藩輔於戲念

哉恭朕之詔惟命不于常人之好德克明顯光義之不圖俾君子怠

索隱謂若不

子懈怠無歸附心悉爾心允執其中天祿永終厥有慝不滅乃凶于而國害于爾躬於戲

保國艾民可不敬與王其戒之

集解徐廣曰立

八年無後絕

右齊王策

維六年四月乙巳皇帝使御史大夫湯廟立子旦爲燕王曰於戲小子旦受茲玄

社朕承祖考維稽古

索隱稽先生解云維者度也稽者當也言當順古

道也魏高貴鄉公云稽同也古天也謂堯能同天建爾國家